



芝園集卷之十

五言律體目錄

夕望有懷

七夕二首

漫興

興善寺訪吳惟新不遇

郊遊二首

聞鴈

秋日雜詠四首

風雨出城

臘日

除夕

元日

隱居

元夕

懷春

初秋

廣陵曉發



清河阻風雨二首 挽賀大夫朝鄉

臥病口占三首 省中雨興

輓葉叅政良器 輓項叅政

次憲府燕集韻各贈一首

月夜燕客朱氏園亭

齋居 鄆地官館中集

夏日吟二首 奉使北上途中作六首

宿華嚴山館次韻二首

德安道中二首 至東林寺雨雪

薛家樓會燕 豐城夜泊

竹坡兄輓詩 再至德州次壁間韻

至日行部至高塘 長清夜坐

邵武道中 歲暮山行四首

越江放舟追鳳泉不及

夏夜宿茶洋 茶洋曉行

玄妙觀借諸司集 七夕游白雲寺二首

初冬二首 戊戌除夕三首

巳亥元日 梅花水

鳧溪詩為何華秀才作

登報國寺毘盧閣 隱居

芝園集卷之十

五言律體

夕望有懷

落日照虛戶白雲生遠岑如何官舍裏一似翠微
深沙鴈寒偏聚草蟲幽自吟還憐異鄉望得見羈
人心

七夕二首

霞房經歲隔雲駕九霄俱未信離當合翻悲景易
徂水樓晴吐月城樹夜棲烏何處玉蕭客長歌入
紫衢



月出空堂夜星懸白玉京亂蛩流短草淺水照疎
檉羽蓋天門合雲衣鳳輦行閨中有思婦悵望不
勝情

漫興

盡日不得意觀魚如柳陰天青雙鳥度雲白數峰
深秋色戒王國鄉心漫越吟漣漪興不極把酒一
謠吟

興善寺訪吳惟新不遇

訪子白雲觀朔風吹遠天地偏雙樹迥客至一琴
懸草結鍾山雪雞鳴楚水烟含情空自返落日正

堪憐

郊遊二首

春程隨處好逕草已全生平嶺穿雲入遙村帶雨
征馬移山色亂禽聚水光縈預擬高臺上深杯得
共傾

路出片雲外煙霞萬井同江山二月雨楊柳一春
風草舍面岑石清溪多桂叢塵心應自遠長嘯紫
霄中

聞鴈

為傍玉關樓風霜稔自知滄洲宵犯露碧海曉淪

靡明月將踈影新書繫遠思唯應候春色歸羽互
差池

秋日雜詠四首

初驚楊柳變復訝洞庭波
欲采蕙蘭去其如霜露
何遠林霞護竹平野雉穿蘿
落日村舂急豐年黍稷多

官城元枕水朝暮白雲歸
寒憶蒹葭落晴看鴻鵠
飛輕帆行木杪碧草照荷衣
永夜月如練沙頭莫掩扉

青楓銜夕影黃菊殿群芳
獨鶴來何晚高臺淒以

涼溪雲晴入幔沙草碧沾裳
幸有盈觴酒沉憂爲爾忘

寒鳥出林小初陽傍石輝
山青松子落露白草蟲微
赤壁仙舟遠新亭舊事非
家家試砧砑冬至理征衣

風雨出城

久客無完褐有家東海邊
風雲猶漠漠意緒日懸懸
亂柝寒城雨啼鳥野市煙
沙深沒馬足顧影獨淒然

臘日

永夜冰霜結難爲遊子情山蒸雲片片江抱霧盈
盈獵騎迴南服飛鴻貫石城緼袍仍歲月浮轉任
予生

除夕

亦有芳春興尤憐歲暮心佩刀看綠髮挾策愛青
林積雪草堂靜東風溪雨深鍾鳴夜未艾臥起問
晴陰

元日

玉衡俄改歲物物孕天和山近朝霞滿天長瑞靄
多流雲青扈水廣隰綠生莪亦有陽春曲朱絃柰

爾何

隱居

石屋倚青空流雲滿澗中朝陽花點點春雨草叢
叢樹有禽相語苔無徑可通如何紫芝客長此偃
高風

元夕

此夕寧常有深杯亟爾傳星從樹杪出月自鏡中
懸野火遷平陸華燈架廣廡猶言河漢上彷彿下
神僊

懷春

車馬何時發丹榮漸以敷一春多好鳥十日長新
蒲白白雲鋪樹青青雨幔湖東郊芳草路宛見水
中鳧

初秋

日暮茅堂開風雨送秋來天白沙中樹潮青石上
苔網蟲猶變化紈扇獨徘徊露下行人發那禁畫
角哀

廣陵曉發

征夫逐草露夜夜月中眠霧擁玄猿嘯風吹白鴈
旋有江能繪樹無路不生烟旭日秋光淡芙蓉亦

可憐

清河阻風雨二首

客子倦行役滄江日滯留雨譁征旆晚風落紫蘋
秋岸葦深藏樹溪雲白滿舟中流擷芳草南望思
悠悠

玄冬猶水宿其柰朔風何素服塵中敝青山夢裏
過鳴笳芳歲晚倚劍碧雲多憐爾幽棲羽江湖有
網羅

挽賀大夫朝卿

爲官二十載直道與時違德比璵璠重材應廊廟

知干將俄已化丹鳳竟何之佇望清江曲秋雲滿
樹枝

寂寞泉臺夜憐君此掛冠有田俱種玉無地不滋
蘭未慰蒼生望空嗟末路難緇衣不可贈日暮淚
沈瀾

臥病口占三首

十稔嬰多瘵三秋瘁百疴圖書俱不御藥餌近偏
多受命今如此吾生可柰何若爲菑百畝耕稼隱
山阿

漫漫冬夜長皓皓月中霜鼓柝何其近星辰具爾

元遨遊憐往昔零落念同行日月紛相禪爲生已
太荒

散吏章程簡幽棲巷術深鵲旋庭樹曉霞粲石城
陰歲月青氈蔽芝蘭白露侵人生自有命偃仰亦
何心

省中雨興

何處多芳草春江日爾思高臺雲出沒雙燕雨差
池水絡青山宅風披紫磴芝長安三月柳車馬至
何遲

輓葉叅政良器

豈是騎鯨客長驅何所之天涯青草夢淮水白雲
期雨露思東郡功名想度支故鄉原上草日夜壟
猿悲

治行真無疋文章亦有聲金魚方重綰寶劍忽還
征兆掩龍山月雲寒婺水城鳳毛瞻遠道泣涕日
沾纓

輓項叅政

采藥南山暮乘雲逝不知人傳驄馬跡郡有去思
碑直道應三黜知幾豈後時淒涼蒿里客劔旆有
深悲

次憲府燕集韻各贈一首

文雅中州望衣冠江左孤煙霞分五嶽風采動三
吳甲第當山啓干旌擁道呼他年憐放逐高咏滿
江湖
右孟有涯中丞

鳳皇遙振羽天路罕追隨春灑龍蛇筆秋傾玳瑁
卮文章湖海望風紀 廟堂推獨自憐初服冷霞
白玉池
右顧東橋憲使

草玄棲石郭采藥駐仙宮衣染山雲白窓啣桂霧
紅薦書秋未達藻翰世無同愛爾五湖上乘虬馭
遠風
右黃省曾秀才

月夜燕客朱氏園亭

窈窕將軍宅招邀長者車
彩霞秋竹亂零露夕花
舒水抱庭除碧屏開石鏡
虛尊前好明月相對意
何如

齋居

紫闕風雲迥彤庭日月臨
明裡昭代典肅戒小
臣心雨露春偏渥星河夜不沉
長安千萬里應獻
太平吟

鄒地官館中集

畫省忻聯署春宵愜聚星
山雲流戶白江雨出林

青酒綠碑磔盃花開錦繡屏
憐君袍服愛車馬故
須停

夏日吟二首

積雨連昏旦陰雲被石隄
柴門芳草合新水綠蒲
齊野竹藏青鳥藤蘿引碧雞
著書經歲月來往小
齋棲

朱陽馳廣陸多病習玄虛
白水蒸陰霧青雲覆石
渠門無車馬客室有養生書
野鹿依深草相將縱
所如

奉使北上途中作六首

歲晏苦冰霰翩翩客騎征彤雲天路迥旭日綵旗
明山水開雄鎮樓臺峙帝城驪駒何以賦黯黯獨
傷情

右石頭城

青陽開淑景綵鷁動長流岸冷棲煙霧旌行犯女
牛笙簫靈鳥下環珮水仙遊風物東南盛春懷不
自由

右廣陵

旅宿淹晨暮清波駐綵航雙鳧春浪雪孤鴈楚天
霜漂母靈祠在謀臣霸略亡空餘烈士淚風雨泣
干將

右淮陰

市鼓寒更肅官旄津吏遲猶言納履地長憶授書
時賈舶依燈集星河逐岸移豈無椒桂酒寂寞罷
啣卮

右下邳

昔聞圭組客乃與赤松期韜畧人中傑功名帝者
師夜月寒城角西風枯樹枝椒漿何以奠嘿嘿動
遐思

右留城

流水寒雲積荒亭宿草鋪高歌懷猛士寶劍著雄
圖佐有黃公畧祥生赤帝符至今湯沐地千載仰
王模

右歌風亭

宿華嚴山館次韻二首

石壁開幽徑征車逗短亭霞飛平野赤雲入亂峰

長安集卷十
初醒
青鍾鼓春山寺梅花驛路庭相看有雙鶴長晝夜

草綠春程好花開石鏡明溪流交戶白嵐翠入簾
生愜有煙霞勝空懷達士名虛簷星斗近明月最
關情

德安道中二首

陰城懸宿雨曉樹積炊烟鳥語時時變山行處處
便亂藤春匝路新水夜平田野麥漸漸秀人民勝
昨年

密霧屯長坂輕輿驟曉濱旌旗青作隊鷗鷺白成

群峭壁連雲墮清流觸石分前村有山館花發正
芬芬

至東林寺雨雪

衝雨過山麓穿花度水涯鍾鳴青樹嶺鶴起白蓮
池雪湧千峯亂雲連四野移醉摩崖上蘚歆沒舊
時題

薛家樓會燕

秋盡黃花落風高白鴈來波浮銀漢動山抱石城
迴天上星辰會人間錦繡才相看華燭夜何處是
蓬萊

豐城夜泊

白日秋逾促，黃花晚正齊。
高城迴斗極，層漢結虹霓。
霓帆落蒹葭，渚潮平楊柳。
堤劍江今夜，月照影不成棲。

竹坡兄輓詩

自愛青氈舊，俄驚白壁沉。
庭寒書帶草，絃斷伯牙琴。
風雨龍蛇動，烟霞歲月深。
西河原上路，長望涕沾襟。

再至德州次壁間韻一首

搖落三秋日，馳驅兩度關。
星河滄海闊，砧杵夜堂

寒。勳業流年逝，親知見面難。
青山麋鹿伴，夢寐獨相干。

至日行部至高唐

劍旆天涯客，平原落日曛。
葭灰寒應律，燈火夜連雲。
樹抱蚪龍影，城迴斗柄文。
棲遲孤館靜，霜月白紛紛。

長清夜坐

豈有匡時策，栖栖數問津。
未諧丹壑夢，空戀碧山春。
烟霧深迷樹，星河遠趁人。
卜居那可賦，燈火獨相親。

邵武道中

明發衝寒露旌旄載曉星水穿雲竇白天掩石門
青鳥雀爭陽谷松欒間短亭所嗟筋力薄奔走未
遑寧

歲暮山行四首

磴險懸輿度山空伐木聞芙蓉寒抱日石壑亂蒸
雲袖有丹砂訣行看麋鹿群瑤花頻采掇日暮佇
思君

歲晚還行役空山聚客星梅花千澗白桂樹一冬
青水靜燈偏亂雲深戶不扃清宵無別夢趺坐誦

黃庭

駕壑虹橋迫盤空鳥道賒幽禽驚避節春草細迎
車澗暖紅流玉林深碧透霞野人忘禮貌長跪進
胡麻

瞑宿投燈火晨興拂薜蘿天圍青野樹風織錦溪
波鴻鴈寒仍少蘭蓀雨更多應憐白雪調不柰碧
山何

越江放舟追鳳泉不及

如何青雀舫不共白雲行蘭藻期同擷風烟悵獨
征轉沙看旆遠溯瀨狎帆輕何處山椒月深杯對

尔傾

夏夜宿茶洋

炎土疲行役山房得暝棲
洄溪蒸毒霧赤壁絢陰
霓星月窺床逼檀欒夾戶齊
倦遊還不寐鼯鼠夜深啼

茶洋曉行

涼月掛東壁曙霞揚紫光
天河七星轉石瀨九溪
長唧唧草蟲語蒙蒙山葉蒼
沾濡畏多露獨立振
衣裳

玄妙觀借諸司集

碧巘征駮駐層霄羽士家
遙開青障月旗建赤城
霞玉液寒通砌金蓮夕放華
猶聞白雪曲游衍興
偏賒

芝林標勝跡蓮宇抗清潯
共是青雲客來棲白鶴
岑玄巖星漢轉丹洞薜蘿深
仙馭何當即空憐靜
者心

七夕游白雲寺二首

脉脉三秋夜盈盈一水長
虹霓承鳳輦機杼粲文章
樹引青霞入風吹紺殿涼
還將紫芝曲長以奉
瑤觴

芝園集卷十
地僻雲長據山迴樹轉青珠林翻白羽石室貯丹
經乍喜梅檀馥時看霧雨零猶言河漢上環佩正
娉婷

初冬二首

章樹殷霜改魚龍入暮愁佳人裁錦字遊子振貂
裘鎧采寒仍斂銀河淡不流如何江上月夜夜照
吳鈎

何處悲孤角俄然霜露淒高雲看引鴈落日聽鳴
雞寒谷曜黃采清溪出素霓大刀心共折展轉不
安棲

戊戌除夕三首

信美非吾土悵然生獨悲山城一騁望雲物動遐
思改火知時變羈栖屬數竒還將一杯酒要與故
人持

對酒忽長嘯客愁難爲裁年華夢裡逝春色暗中
來河柳青俱吐山雲濕不開空堂有明燭永夜獨
徘徊

歲運若鱗次愁將明鏡看依然異鄉客不似舊時
顏宦拙從人誚陸沉且自寬懷中有書記休得上
長安

已亥元日

髫年知學道四十尚無成跡以支離病名因傲世
輕青春奄入望白髮已初生倘共鹿門隱荷鋤還
力耕

梅花水

行行溪谷遠愛爾石房寬瀑布簷前落雲峰堦下
鄰竹陰春黯黯松霧晚搏搏及此清杯翕微風吹
蕙蘭

鳧溪詩爲何華秀才作

何子窮經地迴溪勝若耶青山相對出綠樹萬行

斜竹嶼雙文烏扁舟五色霞逍遙命儔侶日暮眺
金沙

登報國寺毘盧閣

蘭閣千梯轉香櫺七寶纏風吹白羽扇日映紫金
蓮霞綺春城亂丹青鳳闕連靈芝手可掇縹渺揖
神仙

隱居

島嶼春常在桃源路不迷山禽衝霧落野鹿抱霞
棲蔓引青松弱崖懸碧草齊逍遙堪避世從此覓
丹梯

芝園集卷之十終

芝園集卷之十一

五言律體目錄

遊天界寺

碧峰寺

遊觀音閣三首

鳳皇臺

靈應觀

永寧寺

遊高座寺

遊邵氏花園二首

白鹿洞六首

登海天寺樓

宿南渡

日嶺

湖山寺

龍隱潭

望太山不至四首

劔池



西園

烏石山

九仙山

過湖頭渡

仙姑巖

遊鼓山二首

出湧金門泛湖至六橋

玉泉寺

瑪瑙山居

昭慶寺

大佛寺

寶叔塔

岳武穆祠

紫雲洞

北高峯

韜光菴

靈隱寺

飛來峰

天竺寺

藕華居

宗鏡閣

居然亭

虎跑寺

南高峰

烟霞洞

石屋洞

龍井

雲居庵

壽春庵

勝果寺

內教場

大王峰次中溪韻

遊一線天作

遊育王寺二首

極目亭

遊天童寺二首

泛東湖二首

大慈寺

霞嶼寺

芝園集卷之十一
月波寺

芝園集卷之十一

五言律體

遊天界寺

石路入幽寺
雨晴聯騎來
風高翠微嶺
雲繞碧峰臺
歌舞憐絲竹
椒花媚酒杯
晚來寒稍甚
乘月下蒼苔

碧峰寺

春雲流碧石
春草映芳林
風暖客裘薄
天空鳥羽沉
軒鋪平野綠
逕轉女墻陰
最愛青松下
飡霞款素襟

遊觀音閣三首

春江一雨過樹樹水禽喧草色沒羅幃沙光轉石
門成樓雙角渺客路片帆昏水靜月來早松醪正
滿尊

同是宦遊客來登江上樓窓中雲不滅鳥下水長
流日薄海西樹鳥隨沙際舟長吟未能去宴息草
庭幽

曲水寒橋路斜陽燕子磯星河浮海嶠魚鳥詫春
衣金磬雲俱落漁舸月已輝爲官得水宿顛倒話
松扉

鳳皇臺

春江白雲起俄與鳳臺連雙燕肘間出百花杯下
然炊烟多度水雉堞已窺天昔日吹蕭客清歌誰
爲傳

靈應觀

旅病陶春草群征觸曙關樹頭行白日屋下控青
山靈鏡鳥聲汎玉壇槐影閑後遊吾未卜揮手弄
潺湲

永寧寺

春風將客騎日日到山亭坐愛苔生石香憐花滿

庭竹圍華屋秀雲冠遠峯青有客能相款銜杯不
願醒

遊高座寺

寺倚烟霞麗亭開蘭蕙芳相逢珠履客同醉綠蘿
房壑暝雲俱入天長鴈作行丹霄今共到舉手接
鸞皇

遊邵氏花園二首

金谷何年肇高賢此日逢飛霞映修竹曲磻吐芳
茸白石仙人洞青松玉女峰管絃還自媚杯斝得
從容

當年承帝寵平地作蓬萊暖日羅珍木春風拂
紫苔溪隨華屋轉筵倚翠屏開芳草萋萋發王孫
何處來

白鹿洞六首

山迴盤石谷徑轉豁雲門靜榻飛花細靈芝浴露
繁宮牆今見聖流水舊通源六籍虛塵壁青衿此
共論

右洞院

平臺開絕壁西望五峰高暝樹棲山燕春苔繡石
臯魚遊吹淺浪龍臥起驚濤莫學任公子垂綸釣
巨鼈

右釣臺亭

浮橋通翠巘，踈牖夾青松。底柱危還峙，迴流曲自宗。日穿羅漢嶺，雲出丈人峰。學士經行地，空餘鹿豕踪。

右獨對亭

諸亭已愜意，更有最高亭。密樹斜圍屋，繁花間作屏。巖深朝礙日，簷靜夜垂星。騎鹿何年客，飡霞養性靈。

右高美亭

雲壑幽姿結層霄，石磴懸厓廬。紅掛日彭蠡，綠浮烟愜有絃歌地。深懷禮樂傳，大觀誰共解。寂寞愧先賢。

右大觀亭

薄暮上高丘，迢迢望九州。江含千嶂碧，壑映五雲流。紫蓋生烟霧，青蘿掛斗牛。因懷高士跡，風雅至今留。

右六合亭

登海天寺樓

紺殿邀仙客，春樓控楚江。潮通南北浦，雲斷去來艖。綺樹斜交席，層巒對倚窓。最憐花上蝶，照影自成雙。

宿南渡

路出青山峽，雲移碧水舩。新蒲沒洲渚，斜日到村家。林暝鳥翻樹，潮來月滿沙。緣知丘壑內，偏自有煙霞。

日嶺

仄徑緣梯入孤峰偪漢撐盤迴千嶂動縹渺一雲
生閣倚藤蘿暗泉流海日明山花頻送酒酪酏覺
身輕

湖山寺

喜有湖山勝真同靜者居入門圍綠竹臨水數游
魚磴擁靡蕪草風翻貝葉書清虛那復爾欲發更
踟躕

龍隱潭

磴險愁窺壑巖開始見天衣裳牽宿霧石罅瀉鳴

泉四壁松蘿古孤峰日月偏雲雷時不歇知有白
龍眠

望太山不至四首

驅馬長清道遙瞻泰岱巔封碑存漢祀石碣表秦
年貝闕鮮霞麗瑤臺珠樹駢招邀未能去獨賦遠
遊篇

丹丘何處是窈窕入雲扃玉帛來殊倍金壇時百
靈星河宵歷歷煙霧晝冥冥早晚冷玄液逍遙蛻
爾形

自喜山城僻還憐蓬島遙青厓盤鬼谷赤嶂起神

霄洞裏金光秀雲中絳節朝飛騰誰與共天路坐
吹簫

天門通羽蓋日觀啓金宮玉檢千秋秘珍符異代
崇日月垂青壁烟霞盪碧空遊人迷處所靈異未
能窮

劔池

石徑緣青嶂朱筵敞翠微采蓮牽水荇移舫亂雲
衣夜引鳧鷖入秋生斗柄輝塵纓聊暫濯容與愴
忘歸

西園

昔日稱佳麗今來作勝遊碧渠穿樹入紫霧抱階
流鳥亂芙蓉夕歌翻菡萏秋漆園如可托長揖謝
王侯

烏石山

漸與塵寰隔俄將霄漢隣虛巖通日月踈牖錯星
辰野水秋涵壁鳴禽晚近人荒苔時拂拭得見舊
題真

九仙山

高臺凌紫極面面出烟霞寺古松生甲林深石繡
花朱闌懸海蜃玉笛動雲牙自是神仙宅蓬瀛未

足誇

過湖頭渡

旭日朱旗動河橋白馬來洩雲奄作雨積霧亂成堆赤岸千峯及青茅一逕開征行無伴侶鷗鷺日相陪

仙姑巖

石磴盤青漢僊壇倚碧空白雲松桂嶺靈雨蕙蘭叢寶錄天門迥霓裳鶴馭東塵根元自了玄事倘能窮

遊鼓山二首

瑤臺何處是窈窕赤山阿壘嶂流丹碧長林錯綺羅俯將雲作席遙睇海層波飛動真無那青天一浩歌

肩輿攀白日衣袂攝青雲瞰海芝峰出中天石鼓聞銀河晴的的空翠濕紛紛媿爾巖棲者長同鸞鶴群

出湧金門汎湖至六橋

出郭瞰初爽移舟浪始平柳搏山霧濕鏡轉岸花明羅綺爭橋渡壺觴籍草傾相逢霄漢侶得遂冶遊情

玉泉寺

紺宇瀟澄碧青雲覆石渠穿巖驚宿鳥撥藻數遊
魚掃榻霞扉敞藏經石室虛山僧知愛客碧草不
教除

瑪瑙山居

關戶通靈竇披林瞰夕波路移斜照小峰擁碧雲
多徙屨循芳蘚褰裳礙綠羅不因窮勝討那得伴
陰何

昭慶寺

紺殿倚城隅諸方此受符彩霞騰秘閣赤日射澄
湖寺古梅檀馥林深燕雀娛群峰堪攬結飛動歆
誰俱

大佛寺

碧水映招提相過碧草齊殿頭巢鶴鶴松頂掛虹
霓竹密難窺戶花開自作蹊高人五岳山人能習靜為
借白雲棲

寶叔塔

何年開化國天半削芙蓉水抱金銀闕山連日月
峰蘭花嬌映玉竹葉淨生風不有幽棲者誰留達
士踪

岳武穆祠

百六遘屯遭中原胡馬旋龍城烽火暗虎將獨鏤
捐軀木皆南向陰雲直北連至今瞻廟貌血淚洒
幽燕

紫雲洞

木末關長閉鍾鳴路始通側窺丹嶂入兀坐紫雲
豐石屋開三峙瓊芝秀幾叢六根那得解早晚躡
仙宮

北高峰

復嶺盤青漢危峰峙碧空頽霞標海樹白日走江

虹桃片千巖落松陰萬壑重紫薇真可到脫屣會
相從

韶光庵

僻塢人稀到珠林寂不譁翠盤龍鳳竹香洩蕙蘭
葩碧水通雲竇陰崖吐石華春遊應自好聊爾演
三車

靈隱寺

迢遞沿芳澗青山春可憐巖阿陰作霧棟宇暖生
烟鳥度珠林樹蓮開玉井泉山僧常避客何處得
安禪

飛來峰

疊石圍青壁澄湖映赤城峰迴雲盡入洞轉日初
明窈窕丹丘秘逍遙玉女行山中有真隱長坐說
無生

天竺寺

真府群靈聚高臺大帝居朱幡充棟宇寶樹列階
除洞長金光草函封玉檢書何人吹鐵笛縹緲紫
霞裾

藕華居

淨土依深麓香風扇藥闌樹迷山徑斷雲墮石房

寒玉沼環門碧林花綴日丹黃精隨處得來共遠
公飡

宗鏡閣

梵閣倚天開飛薨跨玉臺星浮銀漢轉日自海門
來過客常聽法高僧數渡杯天台何必問即此是
蓬萊

居然亭

孤亭懸絕磴飛巘駐遊車石髓春流乳蓮花晚映
裾雲歸青嶂杪雨灑碧林虛自得丘中樂逍遙興
有餘

虎跑寺

瑤臺真迥絕獨自占煙霞閣
暝前峰雨泉流曲磴花珠林
曾伏虎法井自騰蛇何處堪
投褐青門已種瓜

南高峯

密竹通幽徑層巒疊翠屏
江翻千障白雲出萬峰
青度嶺迷花塢穿林憇石亭
禪關終日閉不解問玄經

煙霞洞

自得煙霞路長隨麋鹿群
珠泉寒映雪石塔細蒸

雲寶籙千秋秘靈巖五色文
洞中蒼蘚合寂寞對殘曛

石屋洞

已訝祇園盡猶憐洞府竒
玲瓏飛霧閣截業撫霞
祠法象層層別青蓮
朶朶垂丹梯何處轉芳草
使人迷

龍井

絳闕緋桃麗靈扃紫霧深
神雲標碣石密樹引潮
音徃牒傳金簡輕輿控
玉岑遨遊非避世空有武
陵心

雲居庵時石峯方伯張燕

蘭若藏雲腹行行石徑長
開窓邀樹色列席鏡湖
光地迥星河別山深芝木芳
使君能吏隱留客醉
霞觴

壽春庵

眺賞真無厭山房復暝投
踈星攢岫出明月映階
流亂竹苞青籜新松長翠虬
不禁清夜夢展轉入
瀛洲

勝果寺

盤辟青巖畔逍遙碧漢中
對門江浴日入閣樹交

空洗藥因靈澗冷霞傍
法宮山中雙白鶴與爾得
相從

內教場在勝果山顛勝壓諸峰下有九宮八卦之田云宋高親藉也

梵宮分福地帝藉按圖經
江霧吞城白湖雲壓樹
青藤蘿齊蓋屋石壁對為
肩何處聞孤嘯清風生
翠屏

大王峰次中溪韻

不有風流客那知太上峰
盤雲出鳥背拂石禮仙
容鍾乳流丹壁巖花開紫
茸夷猶終永日昏黑尚
捫松

遊一線天作

谷轉靈泉出雲開玉樹連層巒摩白日削壁漏青天路以誅茅得居因避地偏平生好幽勝到此更情牽

遊育王寺二首

本是烟霞客青山夙有緣松筠隨處好猿鶴與人便拂袖雲中語聽泉石上眠逍遙堪避世色相爲誰傳

蘭若依山腹朝霞起樹顛但從樵徑引直到斗牛邊瀑布垂青壁藤蘿掛紫烟相將憑玉几洗藥問

靈泉 其二

極目亭

曲磴緣青草孤亭占碧空望窮三島外身在九霄中霞起群峰亂波翻夕照紅翩然振衣袂真欲駕長風

遊天童寺二首

徑轉諸天近淵深衆壑歸山峰長礙日松霧細沾衣展席依青草題詩對落暉却憐雙白鹿時自款岩扉

石壁凌雲出祇林傍日開入門聞梵語說法有瑤

臺樓倚千峰，
天空獨鶴來。
高僧知愛客，
頻進紫霞杯。
其二

泛東湖二首

春遊不知遠，
到處即蓬萊。
谷引仙霞入，
舟隨返照來。
轉沙窺碧漢，
度嶺踏蒼苔。
明日歸城市，
應疑泛斗迴。

瀛洲何處是，
春盡一乘槎。
石壁飛青雨，
天風吹落花。
地偏長隱鶴，
水靜自生霞。
不學任公釣，
東陵且種瓜。
其二

大慈寺

丞相祠猶在，
溪橋芳草深。
碧池涵日月，
斷碣倚山岑。
架石偏成屋，
穿雲更作林。
黃精隨處好，
早晚合抽簪。

霞嶼寺

烟霞探不極，
猶上望湖亭。
孤嶼懸明鏡，
群峰轉畫屏。
舸舟浮月白，
松檜匝雲青。
盡日山中醉，
人言是謫星。

月波寺

何處探仙窟，
青溪有化城。
雲從山闕吐，
月自鏡中明。
倦與鷗同卧，
閑隨鹿共行。
相看唯惠遠，
長坐說

無生

芝園集卷十

芝園集卷之十一終



